

Chjamu...

Chì appennuccia di a forza di sta tarra
Venga tuccà e corde di la mio ghitarra
Per ch'ella soni più forte è più chjara,
Cù appennuccia di a forza di sta tarra.

Chjamu li venti tutti carchi di melodìa
Per fammi sparte u sicretu di l'armunia
E ch'u viaghju sia d'allegria,
Chjamu li venti tutti carchi di melodìa.

Chjamu li mari è li so mantelli di sciume,
Forza tremenda, è tandu, lestrezza di piume,
Chì e tastiere ci tròvinu u so lume,
Nant'à 'ssi mari cun mantelli di sciume.

Chjamu lu tonnu incù saetta è tempurale
Per fà scuppià la so putenza immateriale
Cun batteria è bassa nant'e so ale,
Chjamu lu tonnu incù saetta è tempurale...